

Guangjisi Minzcu Bau

ganbbau: CN45-0036 B.2016 Nd.2 Ng.3 liggaueq ietfeih nienz ndwenlab ngeihba

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3210期

Namzningz Si Hong Vah Saw Minzcu Aeundaej Cingzcik Moq

南宁市民族语文工作取得新进展新成效

Bi 2015, Namzningz Si Minz-yijveij hopheux gij haengguh muz-byauh cauxlaeb daengx guek minzcu doxgiet cinbu sifan si, hong vah saw minzcu aenndaej cingzcik gig ndei.

It dwg minzcu vah saw cwng-cwz fapldw fapvi senhconz heiq-faenh naekna. Giethab daengx guek minzcu doxgiet cinbu sifan si cauxlaeb hozdung, leihyung "ndwen senhconz minzcu doxgiet" "sam nyied sam Bouxcuengh" hozdung, hoihfwen minzcu doxgiet daengj, senhconz cwngcwz vah saw minzcu dangj caeuq guekgya, dajcaux gij heiqfaenh ndei ndawbiengz, hawj gak minzcu dox hag vah saw, coicaenh gak minzcu vah saw caemhyouq huzndei, cangqheiq hwnghat.

Ngeih dwg gunghung gyau-doeng lingyiz yungh Sawcuengh aeundaej cingzcik moq, Namzningz Hojceh Camhdoeng, Gyanghnanz Camhyinhhek, Ginhgyauz Camhyinhhek daengj gaenq cienzbouh youq ciubaiz laeuzhung camhcawj caeuq byauhbaiz gveihfan yungh Sawcuengh.

Sam dwg hong gvangjibo densi vah minzcu aeu ndaej dwkboengq moq. Ndaw bi, Lungzanh, Sanglinz song aen yienh gonqlaeng dauqfuk haicuengq sinhvwnz Vahcuengh densi cezmu. Cuengqok neiyungz gvendaengz daengx yienh cwngci, ginghei, gyauyuz daengj, senhconz cwngcwz fuengcim dangj caeuq guekgya, fatyengz dangdieg vwnzva Bouxcuengh, ndaej daengz dangdieg vunzlai haenggyaez, caeuq ndaw-

biengz gak hangz gak nieb haenh-ndei.

Seiq dwg Sawcuengh gveihfan sawjyung diemguhyiengh hwnjguh netsaed doicaenh. Cungdenj haeucoengh Sanglinz dungicouz doicaenh hong "Sawcuengh haeuj gai", yienhsingz 100 gaiq baizroenloh baizgai lawhmoq cauhyungh yungh Cuengh Gun song cungj saw haenx, yienh'ok le gij minzcu yenzsu "ranzcoj Bouxcuengh". Linghvaih, haeujcoengh Lungzanh youq singz "naz" gai sanghyez seizhoengq (ngeih geiz) hwnjguh gai sifan gveihfan yungh Sawcuengh, cobouh laebdingh song henz gai 30 lai aen bouqdiemq ciubaiz, cohdiemq daengj yungh Cuengh Gun song cungj saw sij.

(Veiz Yenzfuz/韦元福)

Lozcwngz Mbanjbya Mulauj Ndwencieng Vwnzva Hozdung Lai Cungj Lai Yiengh



罗城仫佬山乡春节 文化活动多姿多彩

1 nyied 30 hauh banhaemh, Lozcwngz Mulajcu Swciyen youq ranzheiq minzcu ndaw yienh banh "Lozcwngz moq vuenyungz · Mbanjmulauj lai yiengh" angqcoux ciengmoq vwnzyi vanjvei, Mulajcu fungcingz gofoux 《Fwenbo Laj Ronghndwen》daengj gofoux cezmu gig miz Mulajcu daegsaek haenx laebdaeb hwnjdaiz yienj, ndaej daengz yienhciegz bouxyawj bekwngz haenx ndei. Ciuq cam rox, Lozcwngz giethab daegsaek vwnzva deihsueng, daj 1 nyied 20 hauh daengz 2 nyied 20 hauh, yaek mboujduenh yienj gak cungj cezmu ndei yawj. Ndaw doz dwg bouxyienjheiq cingq biujyienj Mulajcu fungcingz gofoux cezmu.

(Liu Gvanghfuz/廖光福)

Yungzsuij Minzsuz Fungcingz Lijyouz Cingzyauq Yienhda

融水民俗风情旅游成效显著

Bi 2015, Yungzsuij Myaucuz Swciyen ciuq "Yungzsuij gyaendei · Mbanjmyauz fungcingz" lijyouz hwnghat dinghvi, aeu lijyouzyez, fuzvuyez hwnghat guh daengx yienh roek aen hong cungdenj daeuq guh, yungh gij rengz daengx yienh doicaenh lijyouzyez hwnghat, dingh-ok cwngcwz youhvei, yungh banhfap akrengz, gyavaiq lijyouz giekdaej sezsih, cungdenj ginggih gingdiemj hwnjguh, mboujduenh daezsang lijyouz fuzvu guenleix cizlieng, guh hung guh ak minzcu fungcingz lijyouz, cauxguh hong Guengjsae yienh okmingz daegsaek

lijyouz aeundaej cingzcik yienhda. Daengx yienh lijyouz hanghmoeg gungh bued cienz 4.24 ik maenz, guh lijyouz gyaudoeng, gingdiemj swnggaep giekdaej sezsih, yienhsingz hajsinggaep lijyouz diemqlaeuj, hekyouz comzsang cungsim daengj hanghmoeg hwnjguh, riengz-dwk gak aen hanghmoeg doicaenh, cobouh guhbaenz yanghcunh youzcet, minzsuz youzcet, byaraemx youzcet daengj lijyouz gwzgziz, vih aen mingzdaez ndei Yungzsuij neix, miz yied daeuq yied lai vunz daengz Yungzsuij lijyouz. Bi 2015 daengx yienh gungh ciepdaih

ndaw guek rog guek hekyouz 389.06 fanh vunzbaez, doengzbeij demgya 72.4%, lijyouz gyonjgyoeb souhaeuq 27.59 ik maenz, doengzbeij demgya 103.77%. Daihsam canjnieb aeu lijyouz guhcawj haenx hwnghat gyavaiq, daengx bi saedyienh siuhfeibinj cekgai cungngeg 24 ik maenz, demgya le 10%, lijyouzyez hwnghat youh vaiq youh ndei, baenz canjnieb youqgaenj dangdieg vunzlai vutgungz baenz-fouq.

(Fung Sauswh/凤绍师 Veiz Yungzcunh/韦荣春)

SIUSIK DINJ

简讯

● Mboengqneix, Bingzgoj Yen Minzcuagiz bae daengz Bohcau, Giucwngz, Sinh'anh daengj yanghcin, doiq hagseng gungzhoj bi'gvaq bangcienz haenx guh dauqunz. Ciuq cam rox, aen giz neix bi 2015 seizcou bangcienz le 14 boux hagseng gungzhoj saujsu minzcu maenhndei haeujhag, ndawde miz 7 boux daihhagseng, 7 boux gauhcunghswng, daihhagseng ngamq haeujhag moix boux ndaej cienz bangbouj 3000 maenz, gauhcunghswng moix boux ndaej cienz bangbouj 1000 maenz.

(Lij Gyanghlanz)

● 1 nyied 6 daengz 29 hauh, Vanzgyangh Minzcunghgiz ok cienz 10 fanh maenz banh ban beizyin dinfwngz san gyaepfaexcuk Mauz-nanzcu. Doenggyaq beizyin, mizyauq daezsang le gyoengq yozyenz dinfwngz san gyaepfaexcuk, hix vih aen yienh neix baezlaeng yenzgiu, baujhoh, haifat, fatyengz gyaepfaexcuk caeuq hengzguh baujhoh nem hwnghat saujsu minzcu conzdungj fwngzguh gunghyibinj dwkroengz giekdaej.

(Danz Sumyauz)

● 1 nyied daeuq, Gunghcwngz Yauzcuz Swciyen cujciiz anghen, gungh'anh daengj bumwnz haiguh bauqva bauqreng "daj feih" cienhangh hengzdoengh, yiemzleih cazcawq feihfaz swngcanj, yocuengq, gai bauqva bauqreng daengj famhfap hingzveiz. Daengz seizneix, aen yienh neix gungh'anhgiz gungh sou ndaej feihfaz bauqva bauqreng dij cienz 2 fanh lai maenz.

(Cough Binjiuh Vangz Siujginh)

● Bi 2015 daeuq, Fuconh Yauzcuz Swciyen gaenxmaenx doicaenh swnghdai lajmbanj mbanj guhyiengh loegvaq hwnjguh, daj cienz, doxgaiq, vunzhong daengj fuengmienh gyalai bued roengz ligdoh, cingjhab yen linzyezgiz, gunghsanghiz, yanghcunhban daengj bumwnz doengzcae camgya, ndaem faexgveiqva daengj dinfaex binjcong, mizyauq doicaenh le mbanj guhyiengh loegvaq hwnjguh, aeundaej yauqoj gig ndei.

(Cinz Yengiz)

Daengq Beixnuengx

Ndwencieng cuengqgyaj, geiz bauqceij 10 hauh mbouj ok lo. Hoh gyoengq beixnuengx cieng moq angqyangz vuenyungz! Ndaw bi moq ndangrengz yienghyiengh guh baenz!